



Broj: 04-05-4-2578/19

Sarajevo, 31. 12. 2019. godine

**SAOPĆENJE ZA JAVNOST O OBJAVLJENOM IZVJEŠTAJU REVIZIJE UČINKA  
„PRAĆENJE REALIZACIJE PREPORUKA IZ IZVJEŠTAJA REVIZIJE UČINKA: UNAPREĐENJE KAPACITETA ZA  
PLANIRANJE RAZVOJNIH PROJEKATA U KANTONIMA U FBiH“**

Ured za reviziju institucija u Federaciji Bosne i Hercegovine proveo je praćenje realizacije preporuka iz Izvještaja revizije učinka „Unapređenje kapaciteta za planiranje razvojnih projekata u kantonima u FBiH“, koji je objavljen 2016. godine. Cilj praćenja bio je procijeniti jesu li vlade kantona preduzele odgovarajuće aktivnosti na osnovu Izvještaja revizije učinka, te u kojoj mjeri su date preporuke realizovane.

Utvrđeno je da su vlade kantona preduzimale određene aktivnosti na realizaciji datih preporuka, ali da one nisu bile dovoljne kako bi se preporuke u potpunosti realizovale. Konstatovano je da je svih pet datih preporuka djelimično realizovano, a da se stepen realizacije razlikovao od kantona do kantona. Nijedna kantonalna vlada nije u potpunosti realizovala sve date preporuke, devet vlada poduzelo je djelimične ili početne aktivnosti na realizaciji većine preporuka, dok jedna kantonalna vlada većinu preporuka nije realizovala.

Uvažavajući činjenicu da je predmetna oblast od općeg interesa za cjelokupnu društvenu zajednicu, **neophodno je dodatno angažovanje vlada kantona kako bi se osigurali odgovarajući kapaciteti za planiranje razvojnih projekata.** Zaključeno je da nisu poduzimane dovoljne aktivnosti na uspostavi adekvatnog sistema edukacije zaposlenika u ovoj oblasti, kao i da nije dovoljno razvijen sistem kontrole kvaliteta u izradi projektnih prijedloga. Također, protok informacija relevantnih za planiranje razvojnih projekata nije precizno definisan, a nisu u potpunosti uspostavljeni ni odgovarajući mehanizmi za partnersko djelovanje s predstavnicima općina, gradova, civilnog društva, privrede i nevladinog sektora.

Ured za reviziju cijeni da se ovoj oblasti treba posvetiti značajnija pažnja, kako bi se uspostavio efikasan sistem planiranja i realizacije razvojnih projekata, što bi **značajno doprinijelo unapređenju privrednog razvoja FBiH, te kreiranju boljih uslova za život građana.**

Kompletan izvještaj revizije učinka dostupan je na internet-stranici Ureda za reviziju: [www.vrifbih.ba](http://www.vrifbih.ba).

**GENERALNI REVIZOR**

**Dževad Nekić, dipl. oec.**

